



**Naalagaaffiit Peqatigiit Sorsutsaaliuisutut ataatsimiittartuisa aalajangersaaneri malillugit, pinerliiniarnernut aningaasalersuinerit aamma Koreap Avannarliup (DPRK-p) atomimut programmiliaat pillugu inunnut, eqimattakkuutaanut, immikkoortorta qarfinnut aamma sullissivinnut aningaasaqarnermut tunngasut ilaannut killiliisumik iliuseqarnerit pillugit Kalaallit Nunaannut peqqussummut Namminersorlutik Oqartussat ilanngunnerat pillugu Inatsisartunut aalajangiiffigisassatut siunnersuut**

(Aningaasaqarnermut Naalakkersuisoq)

(Siullermeerinnineq)

Naalakkersuisut siunnersuuteqarnerinut qujanaq.

Kalaallit Nunaata nunat assigiingitsut akornanni pisussaaffimminik naammassinninnissaa aalajangiisuuvoq. Pinerliinianut aningaasalersuinerinut, sakkussianillu annertuumik aseruisinnaasunik siaruarterinerinut Naalagaaffiit Peqatigiit pillaatissiissutinik akuersigaangata, soorunalimi akisussaaffimmik tigusilluta nunat assigiingitsut akornanni eqqissisimanissap, isumannaatsuutitsinissallu ataatsimut suliniutigineqarnerinut tapersiissaagut.

Ilutigisaanik uagut nammineerluta uppernassutitsinnut tunngassuteqarpoq. Suliniutit taakkua atortuulersingikkutsigit nunat assigiingitsut akornanni isumaqarfigineqarnerput, aningaasaqarnikkullu systemimi inissisimanerput ajorseratarsinnaavarput. Tamanna akisussaassuseqannginnerussaaq. Taassuma saniatigut siunnersuut pisortanut imaluunniit inuussutissarsiortunut aningaasaqarnikkut, allaffissornikkulluunniit taasariaqartunik kingunissaqanngimmat pitsaavoq.

Nunat assigiingitsut akornanni tatiginartutut peqataanitsinnut qulakkeerisussammik pisiaqartumik, akisussaassusilimillu alloriarnissaq pineqarpoq.

Taamatut oqaaseqarlunga Demokraatit inassutigaat, siunnersuut akuersissutigineqassasoq.